

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 76 (1991)
Heft: 3

Artikel: 1834, 1860, 1868, 1927, 1945, 1987
Autor: Venzin, Gieri
DOI: <https://doi.org/10.5169/seals-881849>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>




1834, 1860, 1868, 1927, 1954, 1987

Els vevan piars la tema dil «nausch dargun Zavragia». Cartevan buca pli als vegls e vevan calau culs rusaris. Mettevan era «gronda speranza sil grond e ferm rempar baghiaus els anno 1890 cun agid de cantun e confederaziun».

Quei rempar ch'els vevan survegniù pèr suenter las catastrofes da 34, 60 e 68, perquei che la Bassa protegiva la Bassa ed ils cantuns da muntogna vevan mo excepziunalmein in plaid el Cussegl. Ils 2 d'october anno 68 per semeglia cu «l'aua de Val menava ora mobillas, iseglias, magnucas, resti, crusch de sonteri, lena da baghetgs e perfin cadavers de gliet e tiers» lu vevan ins detg a quels da Berna tgei che la correcziun dil Rein ella Bassa porti e ch'ei seigi obligaziun «che la Ligia stendi ora siu protegiunt maun era sil Grischun e tschaffi il mal pellas ragischs».

Quella gada vev'ella capiu e pagau in grond e ferm rempar ed ussa ina da quellas draccas da favugn!

Zignau, il settember 1927: Ils umens vevan derschiu pégn e plantas el vau per che la furiosa Zavragia rumpi buca ora. Adumbatten! «Prendend cun sesez il pli necessa-



ri han ils sventirai habitonts bandunau lur casas en fuigia encurend albiert en clavaus e nuegls dado il vitg e nunsavend, sch'els sapien aunc ina gada passar sur la sava de lur esch ni buc.»

Duront quella sgarscheivla notg da pater-nos vevan els buc'anflau ina risposta a lur pertgei.

Il cussegl pign, lez schon: «Conburgheis! Nus vulein prestar agid scadin secund sias forzas a quels, ch'ei vegni per tut lur fatg tras la forza dils furius elements, per mun-conza della pusseivladad da saver sesegirar!»

60 onns pli tard gudin nus l'aua gronda live al radio. Ina catastrofa ei meglier ch'in cri-mi. L'inscenaziun bein enconuschenta ed ils adjectivs tuts davontier. Il politicher lau-da la lavur che vegn prestada ed emper-metta milliuns aunc duront ch'ei dracca. Fertion che nus spitgein vess ils maletgs dal-la televisiun sesan ils impressaris ensemen, schazegian ils donns e partan la lavur. Speran che l'aura tegni.

Bein sidretg stattan ils mitschai e miran e miran . . .

Gieri Venzin (tenor ils rapports en la Gasetta Romontscha davart las catastrofes)